



Adresseinformasjon fylles inn ved ekspedering. Se mottakerliste nedenfor.

Dato: 03.05.2022

Vår ref: 21/03881-17

Dykkar ref:

Søknad om ekstra tilskot til straum og drift for 2021 og 1. tertial 2022

Alver kyrkjelege fellestråd sender med dette søknad om ekstra tilskot til straum og driftsutgifter/materialkostnader for 2021 og 1. tertial 2022. Samla søker fellestrådet om kr 1.450.000,-

Pandemi, straumkrise og krig i Europa verkar inn på nesten alle deler av samfunnet rundt oss, også innan kyrkjeleg sektor. Fellestrådet jobbar mykje for å kunne behalde og vidareutvikle ei aktiv og utadretta kyrke, samstundes som vi skal ha ei effektiv og profesjonell handtering av gravferder og vedlikehald av gravplassar og kyrkjer.

Kraftig auke i kostnadane gjer at økonomien ikkje går rundt lenger, og fellestrådet vender seg difor til kommunen, som i følgje Trussamfunnslova § 14 har ansvar for kyrkja sin økonomi. Det er óg viktig å peika på kommunen sitt fulle økonomiske ansvar for gravferder og gravplassar.

Kyrkja sitt 2021-budsjett blei sendt til kommunen i juni 2020, tidleg i pandemien og før straumkrisa var offentleg. Det var naturleg nok umogeleg for kyrkja å sjå for seg hendingane og korleis også kyrkja sin økonomi ville bli påverka. Sjølv om kyrkja styrer økonomien stramt, så har det ikkje vært mogeleg å kutte i driftskostnader parallelt med at priser på mellom anna straum har blitt svært høge på kort tid.

I 2021 (des.20-des.21) blei KPI på heile 5,3%, mens pris- og lønnskompensasjonen frå kommunen var på 1,4%. Denne store forskjellen - som utgjer ein realreduksjon i offentleg støtte på nesten 4%, var det umogleg for kyrkja å kompensere for berre gjennom effektiv drift, sjølv om vi gjorde det vi kunne. Rekneskapen for 2021 viser eit samla underskot på -1.871.451,-

Budsjett for 2022 er veldig stramt, men i balanse fordi nesten alle fond blir tømt, mellom anna fond hos KLP.

Straumutgifter

Den største enkeltfaktoren til å forklare underskotet i 2021 er utgifter til straum. Vi minner om at fellestrådet har ansvar for 14 kyrkjer, fleire kontorlokale og andre bygg. Sjølv om fellestrådet vinteren 2021/22 gjennomførte ei rekkje sparetiltak, utgjorde meirforbruket på straum i 2021 over kr 500.000. Hausten 2021, når kyrkja også sendte søknad til kommunen om

ekstra støtte til straum (den 18.11.21), trudde vi at meirforbruket blei på det beløpet for heile vinteren. Men i tillegg til at særleg desember 2021 blei heilt ille så har starten på 2022 vist høgare straumprisar enn starten på 2021.

I budsjett 2022 har vi auka utgifter til straum med ca kr 500.000 – til kr 1.300.000. Det tilsvarar heile straumrekninga for 2021. Men pr mars 2022 har vi hatt utgifter til straum på kr 615.000, som er kr 189.000 høgare enn same måneder i 2021. April har vi endå ikkje tal for, men vi kan rekna med ei rekning for 1. tertial som i alle fall er kr 250.000 høgare enn vi har i budsjettet for i 2022.

Høge straumprisar ser ut til å fortsetja, og det er derfor viktig at kommunen vurderer tilskotet til kyrkja i eit langsiktig perspektiv, ut over handsaming av 1. tertial.

Driftsutgifter

Vi må også løfta fram ekstra utgifter til driftsavdelinga og gravferder. Gravferder og alt arbeid knytt til det har alltid 1. prioritet innad i kyrkja. Uansett skal dei pårørandre bli møtt på ein god måte, og gravplassar og kyrkjer skal vera klare. Det fører til at utgifter til tilsette, bilar, drivstoff og gravplassar er noko vi må ta uansett kva vi har budsjettet på desse postane. I rekneskapet for 2021 har vi brukt kr 500.000 meir enn budsjett til driftsavdelinga, og t.d kosta driftsutgifter eigne bilar kr 154.000 meir i budsjett. I dei kr 500.000 er òg noko naudsynt ekstra vedlikehald av kyrkjene.

Gjenbruk på to gravplassar

Fellesrådet må klargjera for gjenbruk av gravfelt A på Meland gravplass. Vi treng om lag kr 100.000 til arbeid og ekstra jord mm. Dette gravfeltet må takast i bruk i år. Meland gravplass var tidlegare drifta av kommunen, men det er no vi ser at dette arbeidet ikkje er gjort før.

Prosjekt ny gravplass på Lindås er forsenka fordi kommunen ikkje har skaffa naudsynt areal, sjå eige brev til kommunen av 29.04.22. Sidan bygginga ikkje kan starte no må vi forsøke å gjenbruke meir på eksisterande gravplass ved Lindås kyrkje. Det kan koste om lag kr 100.000,.

Sum søknad 1. tertial

Som oppsummering søker fellesrådet om kr 1.450.000:

- Kr 500.000 til ekstra straum i heile 2021
- Kr 250.000 til ekstra straum pr 1. tertial 2022
- Kr 500.000 til ekstra i driftsavdelinga i 2021
- Kr 100.000 til Meland gravplass
- Kr 100.000 til Lindås gravplass

Budsjett 2023

Fellesrådet har ikkje vedteke endeleg budsjett for 2023. Men med nesten -1,9 mill kr i underskot i 2021 og forventa høge prisar på straum, drift og lønningar i 2022, så kan kyrkja frå 2023 bli tvinga til å stenge både kyrkjer og gravplassar, dersom ikkje kommunen kompenserer for ekstra straum og driftsutgifter.

Fellesrådet har nytt møte 9. juni, og vil då drøfte dette vidare.

Med helsing

Grethe Lunde
Leiar fellesrådet

John Fredrik Wallace
Kyrkjervert

Dokumentet er elektronisk godkjent og har difor ingen signatur.

Kopi til:

Grethe Lunde

Alver kyrkjelege fellesråd, John Fredrik

Wallace

Lonsvegen 1

5914 ISDALSTØ

Mottakere:

Alver kommune

Alver kommune, Martin Kulild

Postboks 4

Postboks 4

5906 Frekhaug

5906 Frekhaug